

## Сабр ҳақида келган ҳадислардан намуналар | Тазкия дарслари (278-дарс)



19:00 / 20.04.2024 2940

«دَحَا أَمْ» : لَأَقَمَّ لَسَوِ هَيْلَعُ لَلِإِي صِي بِن لِنَعُ هُنَّ لَلِإِي ضَرَّ يَسُومُ يَبْأَنْعُ  
وَهُوَ، أَدَلُّو هَلْ نُولُغَجِي وَ، إِنْ هَلْ نُولُغَجِي مُنَّ، لَأَعْتِ هَلْ لَمُ هُغَمْسِي يَدَّأَ لَعَرَبْ صَا  
نَأْحِي شِلْ هَاوَرُ. «مَهِي فَاغِي وَ، مُهُقُزْرِي كَلَدَعَمُ

Абу Мусо розияллоху анҳудан ривоят қилинади:

«Набий соллаллоху алайҳи васаллам:

**«Ўзи эшитган озорга сабр қилишда Аллоҳ таолога тенг келадиган бирор зот йўқ. Улар У Зотга тенгдош қилурлар. Улар У Зотга бола қилурлар. Шундай бўлса ҳам, У Зот уларни ризқлантирур ва афв қилур»**, дедилар».

*Икки шайх ривоят қилишган.*

Ўзига озор берганларнинг қилмишларига сабр қилиш ва уларни афв қилиб юбориш Аллоҳ таолонинг сифатларидан бири экан.

عَمَّ سَقَمَ لَسَوَّهِ لَعَلَّ لَيْلَ لَ لُؤْسَرَمَ سَقَ : لَاقُ عُنَّ عُلَّ لَ لَ يَضَرَّ هَلَّ لَ دَبَّ عُنَّ  
هُجَّ وَ اَوْبَ دِيْرًا مُمْسَقًا لَهَلَّ لَ اَوْ رَا صُنَّ اَلْ اَنْ مَ لُجَّرَ لَاقُ فُ مُمْسَقِي نَا كَ اَمْرَضَعَبَكَ  
سُقَشَفُ هُتَّرَ اَسَفُ اِبَّ اَخْصَا يَفَ وَهَوُّ هُتَّيْتَا فُ ، رَّيْبُ لَ لَ نَلُّوْقَا اَلْ اَمَّ : تَلُّقُ هَلَّ لَ  
يَدُوًّا» : لَاقُ مُمْثُ هُتَّرَبَّحًا نُنْ كَأَمَلٍ يَنْ اُتَّيْدُو يَّتَحَبَّضَعَوُ هُ هَجَّ وَ رَّيَّغَتَوُ هَلَّ لَ كَلَدَ  
يَذُمَّرَّتْ لَ اَوْ نَاخِي شَلَّ اَهَاوْرُ . «رَبَّصَفَ كَلَدَ نَمَرَّتْ كَبَّ اَبَّ يَسُوْمُ

Абдуллоҳ розияллоҳу анҳудан ривоят қилинади:

**«Расулуллоҳ соллаллоҳу алайҳи васаллам аввал қилган тақсимларига ўхшаш бир тақсим қилдилар. Шунда ансорлардан бири киши:**

**«Аллоҳга қасамки, бу тақсимлашда Аллоҳнинг розилиги ирода қилинмади», деди.**

**Мен: «Аллоҳга қасамки, Набий соллаллоҳу алайҳи васалламга хабар бераман», дедим-да, у зотнинг ҳузурларига бордим. Ул зот саҳобалари билан эканлар. Мен ул зотга у айтган гап ҳақида сирли равишда хабар бердим. Бу у зотга оғир ботди. Юзлари ўзгариб, жахллари чиқиб кетди. Ҳатто мен: «Ул зотга хабар бермасам бўлар экан», деб ўйладим.**

**Сўнгра у зот:**

**«Аллоҳ Мусони раҳмат қилсин! У бундан ҳам кўпроқ озор еб, сабр қилган эди», дедилар».**

*Икки шайх ва Термизий ривоят қилишган.*

Бу ривоятда номи зикр қилинмаган, Расулуллоҳ соллаллоҳу алайҳи васалламга қаттиқ озор берган одам Меътаб ибн Қушайр исмли мунофиқ эди.

Ушбу ҳадиси шарифнинг бошқа ривоятини ҳам ўрганиш жараёнида тўлиқроқ маълумот олсак, ажаб эмас.

يَفِ اَسَا نَهَلَّ لَ لُؤْسَرَرَّتْ اَلَّ نِي نَحُّ مَّوَيَ نَا كَ اَمَلٍ : لَاقُ هُنَّ عُلَّ لَ لَ يَضَرَّ هَلَّ لَ دَبَّ عُنَّ  
يَطْعَاوُ كَلَدَ لَثَمَ هُنَّ يُّعِي عَ يَطْعَاوُ اَوْ لَبَّ اَلْ اَنْ مَ هُنَّ اَمْرُ سَبَّ اَحَ نَبَّ عَزَّوْقَا اَلَّ يَطْعَاوُ اَمَّ هُنَّ مُمْسَقًا لَ

هَدَّهٗ نِيْلَه لَلْاَوْ لُجَّرَلْ اَقْفْ ءَءَمَّسْ قَوْلَا يِفْ ذِيْ مَوِيْ مُهَرَّثْ اَوْ ءَبْرَعْلَلْ فَاَرْشَاْ نَمَّ اَسْ اَنْ اَلْ اَوْسَرَّرْ نَرْبُحْ اَلْ هَلْ لَلْ اَوْ «: تَلُّقْ فِ: لَقْ اَقْ ءَءَلْ لَلْ اَوْجْ وَاَهِيْ فِ دِيْرَاْ اَمَّوْ ءَاهِيْ فِ لَدُّعْ اَمَّ ءَمَّسْ قَوْلْ مُثْ ءَفْرَصْلَلْ اَكْ نَاكْ يَّحْ هُوَّ وَّرِيْ عَتَفْ: لَقْ اَقْ ءَمَّ بْ هُوَّ تَرْبُحْ اَفْ هُوَّ تَيْتَاْفْ: لَقْ اَقْ هَلْ لَلْ اَوْ دَقْ ءَسُوْمُ هَلْ لَلْ اَمَّحْرِيْ» ءَلْ اَقْ مُثْ: لَقْ اَقْ ءَلْ لَلْ اَوْ دَعْوِيْ مَلْ نِيْلْ دَعْوِيْ نَمَّ فِ: لَقْ اَقْ هُوَّ اَوْرْ اَثِيْ دَحْ اَهْدَعْبْ هُوَّ لِيْلْ اِعْفَرَاْ اَلْ ءَمَّجْ اَلْ تَلُّقْ: لَقْ اَقْ «رَبَّصَفْ اَدَهْ نَمَّ رَثْ كَاْبْ يْ دُوْاْ مُلْسُْمُ»

Абдуллоҳ розияллоҳу анҳудан ривоят қилинади:

**«Ҳунайн куни Расулуллоҳ соллаллоҳу алайҳи васаллам тақсимлашда баъзи одамларни устун қўйдилар. Ул зот Ақраъ ибн Ҳобисга юзта туя бердилар. Уяйнага ҳам шунча бердилар. Арабларнинг ашрофларидан баъзиларига ҳам бердилар ва ўша куни тақсимлашда уларни устун қўйдилар.**

**Шунда бир киши:**

**«Аллоҳга қасамки, бу тақсимлашда адолат қилинмади. Бунда Аллоҳнинг розилиги ирода қилинмади», деди.**

**Бас, мен: «Аллоҳга қасамки, Расулуллоҳ соллаллоҳу алайҳи васалламга хабар бераман», дедим-да, у зотнинг ҳузурларига бориб, у айтган гап ҳақида хабар бердим.**

**Ул зотнинг юзлари ўзгариб, тери бўяладиган қизил қонга ўхшаб кетди ва:**

**«Агар Аллоҳ ва Унинг Расули адолат қилмаса, ким адолат қилади?! Аллоҳ Мусони раҳмат қилсин! У бундан ҳам кўпроқ озор кўриб, сабр қилган эди», дедилар.**

**Шунда мен: «Бундан кейин у зотга гап кўтариб келмайман», дедим».**

*Муслим ривоят қилган.*

Расулуллоҳ соллаллоҳу алайҳи васаллам қалбларини улфат қилиш лозим бўлган кишиларга ўлжадан кўп нарса берган эдилар. Уларнинг ичида ушбу ривоятда номлари зикр қилинган Ақраъ ибн Ҳобис, Уяйна ва бошқалар бор эди. Тақсимлашдаги ҳикматни англаб етмаган Меътаб ибн Қушайр номли мунофиқ бу ишда Расулуллоҳ соллаллоҳу алайҳи васалламни адолатсизликда айблашга бориб етди. Аммо ул зот ушбу тақсимлаш айна адолат эканини ва ҳалиги танқидчининг гапи озор эканини баён қилдилар. Ул зот ўзларига озор берган одамни жазолашга қодир бўлсалар ҳам сабр

қилиб, уни афв этдилар.

**«Руҳий тарбия» китобининг 2-жузи асосида тайёрланди**

Ушбу китоб Ўзбекистон Республикаси Дин ишлари бўйича қўмитанинг 2021 йил 14 апрелдаги 03-07/2439-рақамли хулосаси асосида чоп этилган.